

بشېنجه سنه

تشرین ثاني ۳۰ ۱۳۱۱

نومرو ۱

۲۵ جمادی الاخر ۱۳۱۳

آبونه بدل

پر سنه ۱۳۱۱ الی ۱۳۱۲
اجرتیه برابر پر وجه پیش ۲۵
طرحه امتحان الی بچون انوار نام
توان آلتی نوزده ۲۰ غروشه دره

اداره خانه سی

باب عالی جاده سنده قاصدار کتبخانه -
سیدور رساله متعلق کافه مشور -
لیت و خصوصیات انجمن (قاصدار
کتبخانه سنه) مراجعت اولونور .

نسخه سی ۲۰ باره در

نسخه سی ۲۰ باره در



پنجشنبه کونلری نشر اولونور فنی و ادبی رساله

(محرری : اسماعیل صفا)

فضاده کی نیجه یوز بیک جهانک ای شاعر
 مهیب دورینی سیرایت ! مدار شعر ایله
 او شوق و جذبه سینی کهکشانک ای شاعر !
 طولاش خیالک ایله بر لطف کازاری
 باقوب طراوته هر فدانک ای شاعر
 طبیوری دیکله ! روایچه تر دماغ نشاط . .
 بو حاتی بزه یاز کلستانک ای شاعر .
 شو سنکلاخده بر کره جک نگاه ایله
 فاده شکلی کور این و آنک ای شاعر !
 بو سروزار خموشیده زار اولان مرغه
 جواب ورکه اولور همزبانک ای شاعر
 شکسته سنک و خراب و سیاهرنگ تراب
 او قبرلرکه نیجه نام و شانک ای شاعر
 دهور ایچنده فراموشکاهیدر . ایواه
 سنکده قالمیه جقهسه نشانک ای شاعر .
 -عابدیل صفا



پاکیزه

[۲۰۴ نجی نومردون مابعد]

عفت سوزی همان باشقه طرفه چو یردی . دیدی
 که :
 — ای آرتق قالمیه جقمیسک ؟ چیچکلرک
 صباح بوسه لرینی بکلیور !
 — بو کون براز راحتسرم یتاغمدن چیقارسیم
 بوتون بوتون خسته اولورم . رجا ایدرم باغچوانه
 تنبه ایت چیچکلریمی صولاسون . سن ده بکا
 بر کوزل دمت ترتیب ایتده کتیر .
 زکی عفت پاکیزه نیک یالکنز قالمق ایستدیکنی
 اکلامشیدی . او طه دن چیقدی .
 پاکیزه یاتاغندن صبحرادی یازیخانه سنک اوکنه

افسوس که : بر خیال قالدی
 سودالری کیزله یین او یرلر !
 برهان علو فکر تندر :
 رمزی ! بو ترانه حزین تر !
 رمزی



قارداشم وفایه :

نشیده گوی طبیعت لسانک ای شاعر !
 روا هزار سنک ترجامک ای شاعر !
 ترانه خانه عالمده عکس آهنگک
 مال حزیندر آنجاق فغانک ای شاعر .
 سن آشنای جهان سرائر اولمشسک
 کیم اولسون آه سنک رازدانک ای شاعر ؟
 لطیفدر که اولور الک حزینی ملتزمک
 بهارلرده زمینک . زمانک ای شاعر !
 آقان صولرله چیچکلر ، چنلر اورمانلر
 اولور محرمک سودای جانک ای شاعر .
 حزین حزین دوشونورسک لیال مظلومه
 باقار پارلدیسه اخترانک ای شاعر ...
 بکا که قارشیی بر نیم خنده در علوی
 بوتون او لمعلری آسانک ای شاعر !
 نه سوله یور سکا ابکم طوران سیه قایلر ؟
 ندر لسانی شو باد خزانک ای شاعر ؟
 سکا نه حس ویریور کوهسارا بر آلود ؟
 ندر او جوششی آب روانک ای شاعر ؟
 فضای نامتناهی می اوجوب گیدیور
 او وجد و حال ایله بیلسیم روانک ای شاعر ؟
 اولهیدی طائر روحک کبی پروبالک
 اولوردی لوح شفق آشانک ای شاعر !
 چیقوب خیالک ایله کاشاندن یرون

۱۱

کچوب زورنالی آچدی . املک حقیقه لره بر نظر سریع فرلاندندن صکره قلمی آلهرق - اوکونی تاریخی قویدی .

چهارشنبه فی ۸ مایس سنه ۳۱۰ جاملیجه -

رؤیامده آماجمی کوردم . آه شکل و سیاسی باشقه لرینک تعریفله بیلک بد بختلغه دوچار اولدیغ اوعلوی قالدین بونومه ساریلوب بی ابدی !
اوف ! اللهم ! رؤیاده آناسی طرفندن اولمک بیله بو قدر طاتلی اولور . یا بو سعاده حقیقه نائل اولانلر نه قدر مسعود ، نه درجه بختیاردرلر ؟

کاشکه والدهم بر حیات اولیدیغ بویله منتظم قوناقلرده یاشایمچغمه اونکله ال اله طونوشورق سواقلرده تسائل ایدک .

هر حالده اونک صاف بر بوسه سی محروم اولدیغ دیگر سعادتلرک تاسفنی یک قولای اونوتدیره بیلیدی !

اوت پدرم وار ! بنی یک سوپور ، هیج بروجهله محزون اولدیغمی ایسته میور . لکن آه...
رؤیاده بر اولو طرفندن اولمک اونا یقین اولمقدر دیرلر . بویله شیلره اعتقاد ایتیمک حالده شو سوزک طوغری اولمنی ایسترم !

بن یاشده بر قیز اولمک ایسته سین ! دنیادن بو قدر متفر اولسون ؟ ! نه عجایب حال !

بن دم اقرانم کبی شن وشاطر اولمغه غیرت ایدیورم . لکن موفق اوله میورم ! الک اهمیتسز بر وقعه بنی اوزوب راحت می سلب ایدیور . دون آفشامکی حال الان ذهنی تشویش ایتمکده !

دوام ایدممدی غفت خاتم مردبونلری چیقور - دی همان دفتری یازیخانک کوزینه کلیدلدی یاناغه سربلیو بردی .

شرف پاکیزه بی کورمه کلدی سوکلی ارقدا شنی یاناقده بولتجه حساس چوچق جدأ متأثر اولدی . کوزلرندن آقق ایستین یاشلری ضبطه جالیشوردی .

— نوار پاکیزه چکم ؟ نچون باتیورسک ؟
سؤالی اوپله بر تترک صدا ایله صورددی که شرفک شدت محبتنه یک بیوک دلیل اولان شو حال پاکیزه نک قلبنی تترتدی !

همان کنج قیزک اللریخی طوتوت اوپله رک دیدی که :
— مراق ایتمه ایکی کوزوم هیج بر شیم بوق ! بو کون جام تبتلک ایستدی . کل کوزلم شویله قارشومه وتورده بنی جدأ سون حساس بر قلبک حضورنده بولدیغمی دوشونه رک مسعود اولیم !

شرف - پاکیزه چکم سکا سویله به چکرم وار دهرک ضدالیه بی آوب یاناغک قارشوسنه وتوردی .

— نه سویله به چکسک کوزم ؟ شهسز ایو شیلدر !

— اهمیتلی شیلر دکل ملکم انحق بکا رجا ایتدیلرده ! . . .

پاکیزه نک یورکی اوینادی صقین شرف جوچق ایوب کندیلنه مناسبسز برشی سویلمسون ! -
قاره قاشلرخی خقیقه چاتوب - سنی دیکله یورم - دیدی .

— مقاله سی حقندمکی تلطفیکزی برادرمه سویلدم . اوده سزک انکریکزی اوپله رک عرض شکران ایدیور .

يا كيزه كال تمظيله ياناغي اينجده طوغريله رق
— استغفر الله آمان شرف او ناصل سوز ؟ ديدى .
— فقط مساعده ايدرسك بر شى رجا
ايدم جكم !

— امرايت !

— كنديسى ده سنك بر ايكي ائريكي اوقومق
ايتيور .

— آمان عز بزم ؟ بيم كنديلرينه كوسترمه جك
اثرم وارمى ؟


— [اخات] ي كوتوريم :

يا كيزه ياناغندن قالدق كيتبخانه سندن بر اوافق
دفتر چيقارمق ديدى كه :

— بو هذيان نامه ي ازديه كوسترمك مقصديه
دكل ، اكر قابل اولورسه تصحيح كورمك رجاسيله
تقديم ايدبورم . كنديلرى كې بر ذات محترمه
كتاب كوندرمه ده بر باس اولمديغنى بيلديكم اينجون
جسارت ايتدم . چونكه شو حالى مناسبتسز عد
ايدنلرده واردر . بيلورسك ياشرفجكم بن براز
زياده موسوسم ! براز متعظمجه !

مايعدى وار

ب . ش



حافظه نك حسيات ايله مناسباتى

بو كون هر تقدّر حافظه نك جهت فسبولوزى .
يهسى بك او قدر معلوم اولماش ووقايع ماضيه نك
نه كې بر قوت تاثيريله ذهنده منقوش قالدغى هنوز
بيلماش ايسده بونلرك حافظه ده صورت تشكىل
وتربى تماماً تحقق ايتمدر .

هر كونكى مشاهدات وحسياتمى تشكيل ايدن
شيلز حافظه ده باشلوجه ايكي صورته يكديكريشه
كرفت اولوب قالورلر كه برينه ارتباط افكار ،

ديكريشه ده توارد افكار اطلاق اولنور . بيلنلرنده
بر مناسبت تحيجه بولنان مركبات فكريه . ارتباط
افكاردن نشأت ايدر . توارد افكاردن مقصده
ايسه ، خاطرات مختلفه اراسنده بر مناسبت جديه
وجود وليمه رق انحق بونلرك زمان اعتباريله
يكديكريشه بك سعاحى بر صورته مربوط بولنلر ايدر .
هر برينه برر مثال كتورلم :

سزجه معلوم اولان بر وقعه ماضيه مثلاً بدر كزك
خسته لغى خاطر كزه كايور . شو خاطره سزده او
خسته لغى زماننده اوغرا ديفكز اضطرار لارى ،
هيچانلارى ، دوقتورلره اولان مراجعتلريكزى ،
ونهايت يوم مسؤمك وضوانى ، مزار لغى خاطر يكزه
كتوريور ، متأثر اوليورسكز . ايشته بوكا ارتباط
افكار ديرلر . بو كون سواقفده معلوم بر نقطه ده
فوق العاده سوديككز وجودنبره كورمديككز
بر آدمه تصادف ايديورسكز ، شو تصادفدن
فوق العاده ممنون قاهره آيريليورسكز . ايرتسى
كون عين موقعدن كچر ايكن دونكى ملاقاتكز
عقلكزه كايور . بو موقع ايله دوستكز آراسنده
هيچ بر مناسبت تحيجه بولنمديغى حالده ايكيستى
عين زمانده مشاهده ايتكز ، حافظه كزده آنلر
آراسنده بر مناسبت پيدا ايامكده در كه هر نه زمان
برى كورر وياخود عقلا كزه كتورر ايسه كز
ديكريشكه در حال خطور ايتامسى عديم الامكان
قالور . ايشته بوكاده توارد افكار تعمير اولنور .
حافظه ده ، خاطراتك صورت تشكىل وبقاسنده
توارد افكارك اهميتى ، ارتباط افكاردن بك جوق
زياده در . ارتباط افكار اولمسه ده توارد افكار
يالكز باشنه قوه حافظه نك فعاليت كفايت ايدم بيلوره
حتى ارتباط افكارده بيسله بر جوق خاطرات